

宋元舊本書經眼錄

宋元舊本書經眼錄卷第二

獨山莫友芝子偲

書傳輯錄纂疏六卷書序一卷

元本

元董鼎撰至大戊申十二月自序延祐戊午其子眞卿于閩坊刊行其綱領末後半葉有篆文二行木記云建安余氏勤有堂刊每半葉十行行大字二十小二十四字體書式絕似十行本諸經疏卷首下端有紅山塾逸印卷末有秀水朱氏潛采堂圖書印塾逸未詳唯知爲曝書亭舊藏今歸豐順丁氏全書首尾皆朱筆句讀註及輯纂綱要處朱墨抹時增引考證

或出己意細書上下端幾遍頗多發明於本書之外  
特不以古文爲僞當是 國初經生讀本明人尚無  
此沈潛憺不知誰某耳同治丁卯冬至獲觀記

詩集傳附錄纂疏二十卷詩序辨說附錄纂疏一卷

本

新安胡一桂撰此書 四庫全書未箸錄每葉二十  
二行每行大字二十小字雙行則二十四前有泰定  
第四禩疆圉單闕歲長至穀旦乙丑從事郎邵武路  
總管府經歷致仕盱江揭祐民從年父序云書于建  
東陽翠巖劉氏家塾謂胡氏撰集大成歿身乃已後

十餘年得劉氏君佐迺朱子故友劉用之後人不忍  
以用朱子之學者堙鬱不售亟鐫諸梓有十五國  
都地理圖一葉附錄纂疏姓氏二葉語錄輯要五葉  
後有篆文爲二行木記云泰定丁卯仲冬翠巖精舍  
新刊詩傳綱領七葉篇目後有行書七行木記云文  
場取士詩以朱子集傳爲主明經也新安胡氏編入  
附錄纂疏羽翼朱傳也增以浚儀王內翰韓魯齋三  
家詩攷求無遺也今以詩攷謹鐫諸梓附于集傳之  
後合而行之學詩之士潛心披玩蜚英聲于場屋間  
者當自此得之岢泰定丁卯日長至後學建安劉君

佐謹識 同治丙寅六月在上海宜興周濂珂

滄清

持以相示有守璧齋藏書計光炘印曦白父新安汪氏啟淑信印秀水計光炘曦白氏匏如珍藏書籍私印冷音閣古射襄城計光炘曦伯之章間川計氏曦伯所藏諸印據其木記尙附有王伯厚詩攷而此失之

禮經會元四卷

元本

結銜云宋龍圖閣學士光祿大夫贈開府儀同三司南陽郡開國公食邑二千一百戶食實封一百戶諡文康葉時著

行作一

首載至正二十六年丙午臨海陳

基序及至正乙巳中秋江浙行省右丞兼同知行樞  
密院事海陵潘元明仲遠序次竹埜先生傳傳尾有  
至正二十五年八月六世孫江浙等處儒學副提舉  
葉廣居識蓋元明從廣居得本所重刊也每半葉十  
一行行二十四字篇中具刻點抹蓋仍宋刻之舊今  
通志堂刊本乃盡去之非也卷目有葛臆之印卷一  
有孫星衍印

禮記纂言

元本

上海瞿氏藏

壺奔喪及冠義昏義鄉飲酒義射義燕義聘義十篇

而曲禮檀弓雜記之上下皆合爲一篇于是鄭注之  
四十九篇者僅有三十六篇每半葉十行行二十字  
經文分節頂格寫注文雙行低一字行僅十九字  
音注全文春秋括例始末左傳句讀直解七十卷

興唐氏藏

元本  
嘉

宋林堯叟注元坊翻宋版猶缺宋諱一二卷半葉十  
二行行二十一至二十四字不等雙行三卷以下十  
三十四行不等行二十四五字不等其經文某公某  
侯旁注謚法間有旁注音義亦有不旁注者皆坊間  
所爲

春秋胡氏傳纂疏三十卷

元本

元汪克寬撰每半葉十行行二十一字傳低一格有至正戊寅汪澤民至正辛巳虞集兩序至正戊子刊于建安跋云國英曩從環谷先生受讀春秋于郡齋先生手編胡氏傳纂疏雖壹以胡氏爲主而凡三傳注疏之要語暨諸儒傳注之精義悉附著之且胡傳博極羣經子史非博洽者不能知其援據之所自與音讀之所當先生詳究精考一一附注於是讀是經者不惟足以知胡氏作傳之意而且溯流尋源亦可知聖人作經之大旨矣書甫成編國英宦遊四方越



十五年始覩同志鈔謄善本而建安劉君叔簡將歸諸梓以廣其傳則不惟諸生獲春秋經學之階梯而凡學者開卷之餘不待旁通遠證事義咸在是則先生纂疏之述有切於遺經而有助於後學豈曰小補之哉至正八年歲在戊子正月人日紫陽吳國英再拜書克寬至明初猶被徵此箸已先刻二十餘年通志堂刊經解未及此書而傳本尚不乏乙丑丙寅于滬上各見一本今又見丁禹生氏此本而三矣紙墨則此本爲差勝

說文解字補義十二卷

元本

元包希魯撰卷首有夢日精廬藏書彙賢閣天水郡氏收藏二印蓋卽昭文張金吾舊藏夢日精廬藏書志論之甚詳今歸上海郁氏宜稼堂此書四庫未箸錄嘉慶中阮氏從至正刊本影鈔進呈

元禮部韻畧五卷

元本

豐順丁氏藏

每葉二十六行五卷末有大德丙午重刊新本平水中和軒王宅印二行本記二百六部與陰氏韻同而唐廣韻所注同用之韻皆依次而編于部首字上加魚尾形爲隔勝于陰韻前載有貢舉三試程一曰御名廟諱迴避二曰考試程式三曰試期四曰章表迴避字

樣亦可見當時制度又有壬子新增分毫點畫正誤  
字五葉

史記集解附索隱一百三十一卷 元中統本

海甯查氏藏半葉十四行行二十五字注雙行字同  
并有中統二年董浦序謂平陽道參幕段君子成求  
到索隱善本募工刊行則刊者段氏也是年當宋理  
宗景定二年尚稱蒙古未有元號或覆刊或易其行  
皆遠不及惜印遲不能完好耳

漢書 金元間刊本 湘鄉曾氏藏

宋胃監漢書始淳化五年孫何張昞等校定本次景

德二年刁衍晁迥等覆校本次景祐二年余靖王洙  
重校定本次熙甯二年刊進嘉祐中陳繹重校歐陽  
修看詳本次宣和六年重修本次紹興二十一年重  
刊本今惟景祐紹興二本尚著錄于舊藏家大率每  
葉二十行行大字十九注字二十五至二十七不  
等此本行字悉同惟古今人表序十八行人表自第  
三葉至末皆三十行傳中注有擠  
補至行冊七字者蓋其列傳第二十九之後九葉及  
前人失記非有異也他卷闕一二葉者悉影乾道三年刊本補之其行字  
亦同大抵皆出景祐紹興二本乾道本版心下端有  
乾道三年隸書白文五字其寫刻人名悉此本中所

有愈知景祐紹興爲同祖惟于乾道五字處盡百卷  
皆剗補其卷首無中書牒及屢次校詳官銜及小顏  
敘例注家爵里余靖上言一並泯棄意其間有刊版  
年月必非宋時而售者必欲充北宋刊泯其跡耳按  
宋以後刊漢書有元大德九年太平路本此本本紀  
第三一葉版心有大德八年補刊六字則當爲大德  
以并刊且北宋諱避闕至欽宗之桓南宋諱自構慎  
皆不闕知非南宋乾道慶元及川吉越湖北諸本賈  
人勞心作拙以冒北宋卽由于此然審其字體板式  
已是宋末元初不精之刻蓋金元間以紹興本翻雕

而大德修補之本其刻手善少劣多故不能精好奪  
目愛日精廬藏書志記宋刊元修本板心有記大德  
至大延祐元統補刊者其行字同友芝又見豐順丁  
氏收黃丕烈舊藏景祐殘帙足以宋刊元修若干卷  
者亦有大德至大諸補板行字亦同紙墨字體約畧  
相似則此爲金元間刻益無可疑同治戊辰開正湘  
鄉相公示舊藏袁漱六贈本命檢勘審定謹據所見  
疏諸卷端班書舊刻不易觀卽金元間本決勝明以  
來諸傳刻固不必虛擬景祐紹興以爲珍重也上九  
日戊午金陵三山客舍獨山莫友芝書

三國志注

元本上海瞿氏藏

半葉十行行二十九字注二十二字不等惜補換

過半

宋史

元至正江浙行中書省官本

每葉二十行行二十字其中縫一行中截大書分卷  
云宋史目錄幾宋史本紀幾志幾列傳幾上截右旁  
書通卷云宋史幾或幾十幾百左旁計一葉字數下  
截卷葉數之下右旁云某某寫左旁云某某刊

宋史以至正五年十月表進卽于六年□月咨浙江  
等處行中書省差史官翰林應奉張翥馳驛賚淨藁

并公選匠依式鏤板文載目前是江浙一本爲最初之刻同治乙丑夏在上海見嘉興馬氏一本惜其不完

資治通鑑

元興文署本

元興文署刊本資治通鑑胡注二百九十四卷裝九十六冊出于泰州某家同治乙丑夏余曾議購未就越庚午秋購成矣舍弟以其點抹乖刺促還之尋爲江安傅麗生通守所收是刻字體多波折四邊線極粗嘉慶間鄱陽仿刻亦稱善本而未能畢似也明正嘉以來是板歸南監遞有修補此本則元末板未漫



漣時印雖丹墨礙目其質地實極精美余折閱後猶  
時時往來于懷麗生畧去外礙且增直以售亦可謂  
能鑒真者矣據印記跋尾知經藏曹氏倦圃馬氏小  
玲瓏山館趙氏亦有生齋餘不悉錄身之注此書原  
附釋文辨誤十二卷鄱陽覆本有之而此未備然溫  
公本書固完然無少闕五百年來萬葉鉅編能爾者  
復幾見哉冬十一月旣望麗生將持還蜀屬獨山莫  
友芝書其端

資治通鑑綱目四十九卷

元本

每半葉十行行大十六字小二十二字遇宋諱或缺

或不缺益元覆宋板也其結行字體極似震澤王氏  
所刊史記善印亦佳本不易得者是書自明正德福  
州刊七家注攙入書法攷異發明質實諸閒文甚爲  
礙目宋元人本猶無之故已可貴閭門市出惜闕後  
半

續宋編年資治通鑑十八卷

舊本

上海徐氏藏

宋李燾進 四庫著在存目半葉十五行行二十四  
字寫刻整滿是宋元密行善者卷目之末有雲衢張  
氏鼎新刊行二本記

金陵新志十五卷

元本

至正癸未張鉉撰本鉉書 文淵閣箸錄此本郁氏

宜稼堂藏板多漫漶

音注文中子十卷

監本

嘉興唐氏藏

十三行二十三字與老子同蓋元人刊六子之二也

管子注二十四卷

元本

每半葉九行行二十字王惕甫芭孫舊藏中朱筆校過首題識云芸臺先生至杭停泊胥江過鷗波舫因出管子一書相贈後同年黃蕘圃見之定是元板市中不可多得因重裝之鐵夫記今歸豐順丁氏

圖解校正地理新書十五卷

金本

宋初因唐呂才陰陽書中之地理八篇分類增輯爲  
乾坤寶典景祐初又命修正舛鑿別成三十五篇賜  
名地理新書皇祐三年復詔王洙等句管刪修事具  
洙進書序金世宗大定甲辰宋紹熙十一年平陽畢履道爲  
圖解章宗明昌壬子宋紹熙三年古戴鄙夫張謙復爲精  
校補完以行此本殆卽謙所刻也每半葉十七行行  
三十字王洙詳註則十三行行二十六字每冊首有  
曾藏汪閬原家印知爲汪士鐘舊藏今歸丁禹生方  
伯丁卯十一月朔日觀首冊末有田耕堂藏士禮居  
藏二印

宋地理新書序

翰林院侍讀學士朝散大夫尚書

吏部郎中充史館修撰判國子監提舉集禧觀事上

騎都尉賜紫金魚袋臣王洙等奉 勅管句刪修

臣聞聖人包慮民之心其制器大備其示法詳密使民日去不善居而蕃息者也父母之於子推燥溼以養之又教以水溺火焚矛戟虎豹蛇蠆之能害人者丁甯反復然後知而避之人識父母之於己生而養之者也不識安而全之者父母之教也人之於父母知其大而遺其細知擇福而不知避害聖人者爲之宮室耒耜書契舟楫弧矢網罟曰杵重門皆所以興

利毆害慮及萬世當是時庶工百執事龜勉于下泣  
官以智獻功以時爲之者百官也成之者聖人也易  
曰通其變使民不倦神而化之使民宜之聖人爲民  
父母制器示法既備且悉周於無窮昔公劉居豳太  
王居漆沮文王居岐陽武王居鎬代皆相其吉凶然  
後居之在詩曰篤公劉既景乃岡相其陰陽古公亶  
父聿來胥宇爰契我龜度其鮮原居岐之陽在渭之  
將考卜惟王宅是鎬京惟龜正之武王成之及周公  
營新邑亦使太保召公先卜宅獻圖兆商相傳說曰  
明王奉若天道建邦設都然則建邦都營邑屋面方

辨位以求其宜本三王之法也在周禮有建邦國都鄙之法以水地土圭表繫規日景以極星正朝夕是也秦漢已降術學蠱起占家有五行堪輿建除叢辰太一諸學世多習者其書浸廣大宋總一海內天覆地載列聖愛民之心疚然深思農田耕墾風雨祈禱皆著勅法若醫藥鍼石不得其宜則天殤所繇生也論次爲書博士諷誦與令格勅書藏于天下又若占冢之說冠昏行人丘封葬斂日時吉凶不得其法則人逢百殃聖人之心將欲納民于富壽其亦有取於斯也唐貞觀中太常博士呂才奉詔撰陰陽書五十

篇其八篇地理也至先朝更命司天監史序等分門  
總輯爲乾坤寶典四百五十篇其三十篇地理也書  
旣成高麗國王上表請于有司詔給以寫本然序之  
書叢雜猥近無所歸詣學者挾其譌謬凡三千五百  
景祐初司天監丞王承用又指摘闕誤一千九百始  
詔太子中允集賢校理稽顙冬官正張遜太卜署令  
秦弁與承用覆校同異五年而畢詔付太常命司天  
少監楊惟德與二宅官三十七人詳其可否惟德洎  
遜斟酌新曆修正舛鑿削成三十五篇賜名地理新  
書復詔鈎覈重複至皇祐三年集賢校理曾公定領



其事奏以淺漉疏畧無益於世有詔臣洙臣禹錫臣  
羲叟洎公定置局刪修以司天監主簿亢翼改正其  
舊觀文殿學士丁度典領焉度薨臣洙寔掌其屬於  
是具閱三觀所藏及古今古術驗忌披其奧竅詰其  
苞柢管以體要區以輕重而各從攤部先後可尋自  
呂才成書名以地理而專記冢墓頗殽以室舍吉凶  
同條非著書之法今首以城邑營壘寺署郵傳市宅  
衢衛則左陰右陽刑禍福德所相也辨之以四方敘  
之以五行商之以五姓憲之以九星媿之以八卦參  
之以八變爲地事凡二十篇終以冢穴埏道門陌頃

畝則開三閉九山壘水泉所相也任之以八將齊之  
以六對董之以三鑑係之以六道爲葬事凡十篇若  
乃岡原利害則繪之以易民用爲地圖一篇種次有  
彙則總之以便看讀爲目錄一篇勒成三十二篇闔  
之以經義辨鑿空也質之以史傳信休咎也廣之以  
異聞求成敗也巫史所傳則存其可據者不顯新見  
也辭質而易曉便于俗也皇帝陛下以聖人制作之  
德廣祖宗愛民之心將使斯民去天傷刑害而遠不  
善則茲書之所以作也自有詔校正距今二十一年  
臣洙等以庸淺而詎勉于下曠日彌月然後能就若

乃成而名之皆陛下也四夷有求於中國觀其書則  
文而不俚將以見冊府藏書之盛其下則惠逮漏泉  
宅兆以時聖人之仁如此惟文武受命世世忠厚詩  
人美之曰敦彼行葦牛羊勿踐履謂草木微者猶能  
愛之況于人乎故卜世三十享國過歷若然大宋之  
仁溥博上下則愛民之報祚以萬年天之道也謹序  
金圖解校正記地理新書序 宅葬者養生送死之  
大事也自司馬史分陰陽家流至唐迄宋屢詔儒臣  
典領司天監屬出祕閣之藏訪草澤之術胥參同異  
校覈是非取合於理而裁祥有稽者畱編太常卽今

之頒行地理新書是也俾世遵用以裨政治保生民  
躋於壽域惠亾者安于下泉示愛民廣博之道不其  
韙與兵火之後失厥監本於是俗所傳者甚有譌謬  
至於辭畧而理乖名存而實革旣寔差誤觸犯凶災  
僕深患斯文之弊遂質諸師說訪求善本參較以正  
之者僅千餘字添補遺闕者幾十數處兼有度刻步  
尺之差者則以算法考而改之有陰陽加臨之誤者  
則以成式推而定之至若四方正位詳說其準繩表  
臬求影星取中之法四折曲路細畫其角斜正方合  
句股入穴之圖山水剡其吉凶祭事分於壇墠發揮

經義注釋禮文歲餘方畢藏之于家以俟同道之能  
者踵門而採擇焉庶亦知余攻業之不忽也時大定  
歲在閏逢執徐平陽畢履道題

金精加校正補完地理新書序

僕叨習地理忝慕

陰陽雖專述二宅而取則於此書伏覩古唐夷門蒲  
阪等處再後印賣新書未嘗有不過目收購者終莫  
能見其完本唯我先師馮公傳授亦遺地圖一篇繼  
有平陽畢先生者畱心攷覈可無微失而又增加圖  
解等法度真得其旨趣矣自是更訪求名士家藏善  
本比對差互甚多今據從來板內遺闕者竝以補完

元差互者校讎改正一兩疑未詳者乃各存之及其  
間寫雕錯誤亦以校定其卷首四方定位之法圖解  
已是詳備竊見營造取正定平製度亦可爲式外五  
姓聲同而虛實音異者今以纂出地下明鑑立成傍  
通三鑑六道繼敘輪圖又校正禽交步分及民庶合  
用塋田參定傳符雜忌等述兼論呂才言宅葬經書  
之弊各布別本篇之下總二萬餘言以廣異聞僕恐  
未能專擅遂誠心修集以俟同道之能者幸改易焉  
庶幾我輩易爲遵用審觀此書之興也始自唐代呂  
才刪定名以地理至于宋朝注歷數主重複詔下有

司始終幾有百年方以定用頒行于世今野俗之流而有專執星水之法或只習一家偏見之文又有不經隨代進用頒行傍門小說不相之語或與官書相害者執而行之兼有不能與五姓參用而專排斥五音姓利良可臯哉僕今見平陽數家印賣此書雖有益於世竟未見完者恐久墜斯文莫能從善不敢欺隱遂將正文插入又附以亂談舛駁之辭短拙不揆尤甚輒以俗言紀其事迹皆明昌壬子歲古戴鄙夫張謙謹啟

書法鈞之四卷

元本

元朱方蘇子啟纂輯 四庫存其目明趙宦光寒山  
精舍藏本豐順丁禹生氏所收卷中批抹多用草篆  
四卷末記一行云萬歷壬子仲春二日胡蜨復閣皆  
凡夫手蹟也一卷首冊有印曰梁鴻墓下凡夫寒山  
當去鴻墓不遠聞昔梁方伯治吳訪求鴻墓未得禹  
公曷不依寒山舊址一更尋之

考古圖十卷

元大德本

宋呂大臨撰首載元祐七年呂大臨考古圖記次載  
大德己亥古迂陳才子謹題及茶陵陳翼子翼甫識  
後又有記八行謂宋儒正字呂興叔先圖古器物竝



錄其銘篆彙爲十卷云云其所記之人及年月蓋在  
後葉失之其每卷題後竝署默齋羅更翁考訂則陳  
子謹題所謂汲郡呂公彙諸大家所藏尊卣敦孟之  
屬繪爲鉅編兵後多磨滅吾弟翼甫又廣呂公好古  
素志屬羅兄更翁臨本且更翁刻以傳世并采諸老  
辨證附左方是不盡呂氏原本矣尚有鹿巖山人一  
印卷首有二肉主人二十一歲小像嚴可均題篆像  
後有倪稻孫題二肉不知卽稻孫否

困學紀聞二十卷

元本

嘉興唐氏藏

宋王應麟撰前載牟應龍袁桷二序蓋卽桷序所謂

馬速忽孫楫濟川所刊本半葉十行行十八字又于坊間見一本亦同此

事文類聚

元本

每半葉十四行行二十八字

玉海二百卷附列諸種俱備

元至元刻本

行款與今通行本同特板心稍大字體秀勁近趙吳興首有胡助李桓阿殷圖堃堂王介四序及至正三年慶元路刊行文牒及薛元德後序又有伯厚之孫厚孫識語在伯厚題跋後謂其先祖且謂未脫橐難以示學者故藏于家云云浙東都事年公始建議板

行今元帥資德公既至卽命刊布又刊詩攷詩地理攷漢藝文志攷通鑑地理通釋集解踐阼篇補注急就篇王會篇漢制攷小學紺珠姓氏篇六經天文編康成易注通鑑答問諸書厚孫等承命校勘唯謹而董役者弗爲修改遺誤具在觀者審焉至元六年庚辰四月一日卷首有張寬德宏之印張任文芳之印王峯張氏世恩堂圖書徐氏家藏曾在汪閬源家郁松年印泰峯七印

劉子張注

元本

上海瞿氏藏

每半葉十二行行二十六字蓋亦元人彙刻六子本

之一有愛日精廬藏書季振宜印滄葦廣鈞平子吾

生甲申數印

宛陵先生文集六十卷

元本

宋梅堯臣撰每半葉十行行十九字有葉氏某竹堂藏書九華山人繡佛齋諸印

東萊呂大史文集十五卷外集五卷

元本

半葉十行行二十字

劉靜修先生文集三十二卷

元本

金劉因撰每半葉十三行行二十字

道園學古錄五十卷

元本

上海瞿氏藏

每半葉十三行行二十四字絕似柳文音義

伯生詩續編三卷

元本

吳門黃氏士禮居舊藏今歸海甯查氏目錄首行題

伯生詩續編其每卷端又題云伯生詩後半葉十行

行十五字行書甚精雅目錄後題四行云是集乃學

意敬刻梓與騷壇共之時至元後庚辰劉氏日新堂

謹識後有嘉慶丁卯十二月黃楚圃跋云道園所

製詩文極多道園類稟道園學古錄道園遺稟翰林

珠玉伯生詩續編共有五種勸見者尤在後三種三

種尤在後一種此元刊伯生詩續編三卷余與殘宋

刻白氏文集得諸顧五癡家藏篋中久矣頃五癡族

人出舊殘本求售係棉紙此係竹紙上卷爲四五七

兩本竝入余手重加校對亦樂事也

言古詩二十五首中卷爲七言八句四十五首

詩律

同言下卷七言絕句五十三首五言八句十三首五言

絕句十三首以類彙校上卷僅家兄孟修還江南一

首有之

類彙題云家兄孟修父輸賦南還

計他體當稱是彙中遺逸

之篇殆過于十九又以學古錄證之亦多不載按後

至元庚辰道園六十九歲是年冬臨川李本伯宗黃

鐘仲律來訪先生于山中編文二百餘篇明年本伯

宗乃與先生幼子翁師編學古錄後六年爲至正丙

戌先生年七十五劉伯溫編刊道園類彙歐陽圭齋

序之竝在刊此集後不知遺篇何以不收豈刻者自

刻編類者固未之見邪且題云續編知道園詩已先

有編刻而以此續之今亦不可考絕無傳本後先生  
從孫堪編遺藁于此刻不知盡收否惜不得其本一  
證之後附葉氏四愛堂序詠一卷首伯生序次吳全  
節馬祖常高履亨夏文詠詩各一首歐陽玄詩五首  
揭傒斯王倫徒謝君與王士點詩各一首末爲伯生  
餞梅野詩序并七絕一首四愛者淵明菊茂叔蓮和  
靖梅魯直蘭也江東葉凱翁以宋遺士詹府僉程國  
錄爲其先人成甫所著四愛堂詩文卷來京師求題  
詠梅野亦凱翁號也豈此刻自葉氏歟

樂府詩集

元本

宋郭茂倩編絳雲樓舊藏半葉十一行行二十字

中州集

元本

滬肆

金元好問編半葉十五行行二十八字印亦中等

周易集解

明嘉靖本

明宗室朱睦㮮灌父所刻有嘉靖丁巳冬刻書序及上海潘恩序半葉八行行十八字注皆低一格大書甚醒曰朱序謂刻自宋季希有存者予得之李中麓復用校梓以傳鼎祚資州人仕唐爲祕閣學士以經學稱於時嘗進平胡論預察胡人叛亾日時無毫髮爽象數精深蓋如此及閱唐劉傳與蜀志俱不見其



人豈遺之耶抑別有所載耶

朱序

周易本義

大字注本

蓋元末明初刻曝書亭舊藏今歸錢塘丁氏其經翼次第一依朱子而以呂氏古易音訓雙行隨條散附經下昔宋小茗咸熙從董氏會通中摘出音訓以行此本所載尤完整惜其未之見也卷首有漢唐齋游好在六經吳興則氏紅藥山房收藏私印玉堂笏齋六印

朱檢討跋云朱子易本義析爲十二卷以存漢志篇目之舊較之程子易傳依王輔嗣本原不相同惟因

臨海董氏楷輯周易傳義附錄一書乃強合之移易  
本義次序以就程傳明初兼用以取士故不復分其  
後習舉子業者專主本義漸置程傳不講於是鄉貢  
進士吳人成矩叔度署奉化儒學教諭削去程傳乃  
不從本義原本更正其義則朱子之辭其文則仍依  
程傳次序此何說哉沿至於今科舉試題文象竝發  
其亦悖乎朱子之旨矣余嘗求原書不可得今覩此  
秩然不紊中附東萊呂氏音訓末有朱子後序是爲  
完書宜亟開雕頒諸學官第恐下士見之翻大笑爾  
康熙丁亥夏六月小長蘆朱彝尊跋時年七十有九

書于家衍齋之道古堂

書經纂言四卷

明本

元吳澄撰明嘉靖己酉顧應祥據正德辛巳本重刊於滇中是曝書亭舊藏通志堂卽依此本付雕今歸豐順丁氏卷首有竹垞翁題識云是書購之海鹽鄭氏簡端所書猶是端簡公手蹟也會通志堂刊經苑以此畀之旣而索還存之笥壬申歲歸田檢櫝中藏本半已散失幸此書僅存又七年曝書於亭南因識竹垞七十一翁卷中有竹垞朱彝尊小長蘆釣漁師諸印所謂卷端書乃評可否語數條無足取也

書傳集解

殘本未詳卷數

缺首二卷于禹貢湯誓首竝題云後學金城黃諫集  
解錄蔡傳低經文一格大書所集諸家及自下已意  
則雙行夾注半葉八行行二十四字板縱橫不及五  
寸而刻印精朗似元佳本汲古閣舊藏今歸錢塘丁  
氏按是書所引宋元諸家外及于明初陳雅言是明  
永樂以後人矣明史藝文志不載檢千頃堂書目有  
之亦無卷數自橫雲史志彙去黃氏補宋史及金元  
諸籍已不愜人意何明人著述亦如此疏漏耶千頃注諫  
字廷臣蘭州人正統壬戌一  
甲第三人歷官翰林學士

禮記集說三十卷

明本

元陳澠撰是刻蓋依元本翻雕者半葉九行行十七字一如宋人四書詩書集傳之式明永樂纂大全蓋卽依其卷數今行十卷本經文每節提行註文另行低一格雙行明人改也四庫著錄此書亦十卷殆未見此本歟丁卯冬檢豐順丁氏藏書有此種邵亭亦於蘇肆中獲得一本

埤雅二十卷

明重刻宋本

宋陸佃撰結銜云中大夫守尚書左丞上柱國吳郡開國公賜紫金魚袋其子宰宣和七年序結銜云男

朝請郎直祕閣權發遣淮南路計度轉運副使公事  
借紫金魚袋半葉十二行行二十三字天運庚口八  
月京口張存性中序重刻緣起云埤雅書成授其子  
宰始序以傳之時宣和七年矣其後五世孫釐由祕  
閣修撰來知贛州再用刻于郡庠歷世既久悉燬于  
兵燹人罕得聞會奉議大夫江西按察司僉事古閩  
林公瑜字子潤巡按贛上訪于耆民黃維得是書欲  
與四方學者共太守陳大本克承公意乃命鳩工刻  
之其中缺簡甚多顧求別本無得者復有待于後之  
博雅君子不敢以私智補之歸世昌印

漢書注

舊本

半葉十行行二十三字刻印清整以朱墨錄徐亮直何義門兩家評校于上下端

前後漢書

明翻宋淳化本

未有淳化五年口月奉旨校刊字售者以爲北宋本細核之蓋明時翻刻者其避諱皆不及南宋固北宋子本也半葉十行前每行大十九字小廿七字後行大十九字小廿五字亦竝有多少參差者四邊極粗管子無注本

半葉十行行二十一字似元明間刻

農書二十二卷

明本

元王禎撰凡農衆通訣六卷穀譜四卷農器圖譜十二卷每卷題集之一集之二於目集之一附說云古之文字皆用竹帛建後漢始紙爲疏乃成卷軸以其可以舒卷也至五代後漢明宗長興二年詔九經版行於世俱作集冊今宜改卷爲集首載嘉靖庚寅臨清閤閱序益山東巡撫邵錫布政使顧應祥始刊而左布政使李緋成之半葉十一行行二十二字板心頗大 此書明萬歷末鄧溪刊本刪併爲十卷 四庫本亦二十二卷乃依永樂大典本約用王氏元卷



第重編以聚珍板印行恐亦未能悉還其舊惜未見此本耳

野客叢書三十卷附錄一卷

仿宋本

瞿氏藏

宋長洲王楙撰小序有香竹山房藏本宗櫨詠川古鹽張氏四印目錄有松下藏書綠簑青笠邨居二印目尾有長洲吳曜書黃周賢等刻十字雙行每卷尾皆然卷一有漁書竹堂李兆洛印二印半葉十行行二十字

西溪叢語二卷

明嘉靖鵲鳴館刻本

宋姚寬撰張紹仁吳翌鳳遞藏丹黃殆遍

韋蘇州集十卷

明翻宋本

半葉十行行十八字卷第一

古賦雜集

卷二

寄贈上

卷三

寄贈

卷四

送別

卷五

酬答至酬問員外涉止逢

卷六

思

卷七

寺閣止遊覽

卷八

興

山行雨歸止行旅至

卷九

行歌

卷十

下

卷十一

下

卷十二

下

卷十三

下

上

卷十四

下

卷十五

下

卷十六

下

卷十七

下

卷十八

下

韓文考異音釋

宋朱子考異王伯大音釋合編本凡四十卷目錄一

卷外集一卷

合十卷

遺文一卷

附錄集傳一卷

半葉

十三行行二十七字

海甯查氏藏以爲宋刊然無憑

據觀其款式字體當是明初刊本

據觀其款式字體當是明初刊本

據觀其款式字體當是明初刊本

雲臺編

明本

唐鄭谷撰嚴嵩序後有康熙辛卯何義門題字又有葉氏藏書一印

迂齋先生崇古文訣

元明間覆宋板半葉九行行十九字有沈瀚世貞允明諸印王弇州題籤猶存

宋元舊本書經眼錄卷二終

遵義趙松篠蓉校字

宋元舊本書經眼錄卷第三

獨山莫友芝子偲

易學五十卷

明卓爾康撰爾康仁和人字去病萬厯壬子舉于鄉授祥符教諭厯工部員外郎左遷常州府簡校徙大同府推官總督盧象昇常引參謀軍事移兩淮分司運判爲淮人請賑激切觸忌罷歸事蹟具縣志儒林傳明史藝文志卓爾康易學全書五十卷 四庫提要存目僅有爾康易學殘本十二卷蓋乾隆中採進已無全本此本吳騫拜經樓所藏舊鈔全帙其說卦

傳二卷獨存刊本首葉及板心計卷處猶畱空木未刊蓋付鋟始此兩卷丁明末之亂遂未及完耳其書條引眾說而附以己說亦有眾說具而已無說者所引注疏集解傳義之外于明蔡虛齋何元子兩家最多蓋義理主虛齋古義依元子也其他徵引就乾坤二卦有劉濬伯管登之來之德鄒泰回于令升項安世呂伯恭劉濂季明德章本清馬理黃端伯歐陽永叔郝仲輿鄧元錫陸庸成林黃中象鈔九家易邱建安趙汝楨張彥陵焦弱侯唐凝菴姚承菴楊止菴俞玉潤俞玉吾高景逸鄒泗山邵氏李隆山蘇子瞻吳

叔美呂叔簡邵子張橫渠李子思易簡錄楊止菴楊  
誠齋測言周顒虞翻易徵吳因之鄧汝極周天如陸  
績決錄乾鑿度潛解蔡氏易筌雪浪金汝白游定夫  
像象陸庸成方孟旋顏充宇胡雙湖李隆山王伯厚  
蘇紫溪程竹山孫聞斯吳臨川徐幾若干家又有稱  
鳴缶氏曰者數條不知其亦爾康說抑他人說也

周易觀象補義略寫本

國朝諸錦撰錦字襄七號草廬秀水人雍正甲辰進  
士庶吉士改知縣又改教授乾隆丙辰 召試鴻博  
授翰林檢討官至右春坊右贊善其毛詩說補饗禮

等并四庫箸錄而未及是書是書集諸儒之說而  
斷以己意末題子壻范成編次嘉慶末禾人戴光曾  
得此四冊清本于吳中其提綱一卷及下經自姤初  
一下至雜卦皆其手書尤可寶貴今歸海甯查氏

禮經本義十七卷

寫本

國朝梁溪蔡德晉敬齋輯以十七篇分嘉賓軍凶吉  
爲次軍仍凡十六卷第十七卷則逸禮諸篇而自爲  
輯注其本經僅十六卷者無喪服一篇也

爾雅新義

寫本

宋陸佃撰此書四庫未箸錄

龍龕手鑑四卷

影鈔本

瞿氏藏

遼釋行均撰其卷題云龍龕手鑑平聲卷第一釋行均字廣濟集首載統和十五年丁酉七月燕臺憫忠寺僧沙門智光序遼聖宗統和丁酉當宋太宗至道二年其所據影之本甚大蓋似明刻金人五音集韻篇海每半葉十行行容大字十八容小字雙行可三十六其當摺縫上角多缺字

吉金古文釋

稿本

此跋拾補

朱右甫先生吉金古文釋四冊其詰嗣建卿同歲以先生手稿裝存者也按阮太傅文達公萃一時同好



十二家古金搨本蓋所自藏楊集爲一書以續薛尚功書後爲積古齋鐘鼎彝器款識右甫先生卽十二家之一文達又謂右甫酷嗜古金文字以各搨本屬之編釋訂成十卷是款識屬稿皆出先生文達特審定而已其一冊有阮氏編錄卷一書題及文達公改定字與朱筆改題書面一冊亦有改定增益一冊器後跋多補填元字是三冊蓋卽編款識時初稿其一冊首有先生癸亥仲秋自記謂手摹積古齋藏揚州江秋史侍御所摹三十六種詮釋題己名是本先生自箸中間亦有數條塗去己名改定蓋後編款識擬

撫入者此更其先河也同治戊辰開正建卿從子竹  
石郡丞過金陵持示謂其從伯裝存時乃從故紙搜  
出散逸已三之二蓋將援文達以歐陽集古錄手稿  
謄葉刻石之例存什一而未就今得竹石斤斤奉持  
不敢失墜知必能竟其緒以張家學以快海內好古  
之先睹也豈不懿哉五月戊寅長至獨山年家子莫  
友芝謹識于吳門書局

通鑑紀事本末補後編五十卷

稿本

國朝仁和張星曜撰以袁氏本末未有專紀崇信釋  
老之亂國以家爲篇者乃雜引正史所載附以稗官

卷之三  
九

雜記及諸儒明辨之語條分類集以爲此書其紀歷

代佛氏之亂曰歷代君臣奉佛之禍卷四曰佛教事理

之謬卷十曰佛徒縱惡之禍卷五曰儒釋異同之辨卷五曰

儒學雜禪之非卷十曰歷代聖賢君臣闢佛之正卷七紀

歷代老氏之亂曰歷代君臣求仙奉道之禍卷三曰道

教事理之謬卷二曰道士縱惡之禍卷一曰儒老異同之

辨二卷附釋曰歷代君臣聖賢闢老之正卷一學者欲

知異教流失得此總彙亦易爲明晰星曜字紫臣成

書自序在康熙庚午尚未刊行此其手稿丁卯初冬

丁禹生日昌方伯新收借觀記

建康實錄二十卷

影宋鈔本

每葉二十二行行大字二十小字三十三三十四不等二十卷尾附記云江甯府嘉祐三年十一月開造建康實錄竝案三國志東西晉書并南北史校勘至嘉祐四年五月畢工凡二十卷總二十五萬七千五百七十七字計一十策後葉前半列張庖氏錢公瑾曾伉熊本趙真卿五人校正銜名及通判軍府彭仲荀知軍府事梅摯銜名後半又載紹興十八年十一月荆湖北路安撫使司重別雕印韓軫高楫王廓張允之万俟卨趙遜周方平劉長王瑋九人銜此所據

鈔者紹興本也鈔字尚不劣蓋明末國初時物僅卷首郁泰峰己亥年所收書一印其鈔自何年何人不可攷矣

元和郡縣圖志四十卷目錄一卷

舊鈔本

每半葉十六行行四十字其每卷書題竝有圖字蓋

據宋淳熙三年張幾仲名子顏帥襄陽刊本過錄有程

泰之名大昭淳熙二年五月序序後復有是年長至泰

之以是書付幾仲識語又有淳熙三年十一月番陽

□□□序則爲幾仲刊書作按是書本有圖至宋已

亡見泰之序中書題圖字自舊近今傳本乃刪之耳

元開卷十九之河北道四卷二十之山南道一卷二  
十三之山南道四卷二十四之淮南道一三十五六  
嶺南道二  
三凡六卷

元豐九域志十卷

寫本

棟亭曹氏舊藏每半葉十行行二十字蓋依宋元舊  
本影鈔者字雖不工而式整雅勝今刊多矣

新定元豐九域志十卷

影宋鈔本

半葉十一行行大字約十八注雙行小字行二十三  
四字不等卽全載王存書每州列縣之後增古蹟一  
門蓋宋坊本也海甯吳騫兔牀拜經樓舊藏今歸唐  
鮑安翰題有兔牀及吳枚菴二跋枚菴跋云新定九

域志十卷青芝山堂影宋鈔本復從元豐舊志校勘者首卷原闕四京以下六版又脫曹州濟陰郡半版亦從舊志鈔補竝錄入進表一篇略成完書矣新定本校舊志增多古蹟一門朱竹垞謂舊志乃經進之書此則民間流行之本未知然否慨自祝穆方輿勝覽殘山賸水僅記偏安州郡惟此與樂史寰宇記猶見全宋規模而流傳甚罕識者所當什襲而寶貴之也乾隆戊戌秋九月枚菴漫士吳翌鳳書 兔牀跋云吾家枚菴僑居吳下性喜藏書每遇祕本卽手爲傳錄蓋今之方山也王正仲九域志流傳絕少而有

古蹟者尤爲難得癸卯夏從枚菴借得因亟鈔而藏  
諸拜經樓槎客又朱識云壬子仲春復以錢遵王影  
宋鈔本及嘉興馮氏新刊本重校一過

長春真人西遊記二卷

寫本

瞿氏藏

元李志常撰記其師邱處機西遊事于山川風土飲  
食衣服百果草木禽蟲之別皆資攷證研經室外集  
始著錄

天下郡國利病書

稿本

國朝顧炎武撰乃鈔集志乘史傳未成之稿道光間  
成都龍萬育得其副本刊之凡百二十卷此其元本



也同治丁卯九月客蘇城有持興化人家藏來售因  
獲觀之皆細行雜鈔不出一手以朱筆校改誤字其  
每件後時有零星小件則行書密行增入無誤字然  
則朱改及行書或亭林筆也末有黃丕烈跋云乾隆  
己酉九秋友人張秋塘以天下郡國利病書原稿示  
余共三十四冊曰此亭林真蹟也余畱閱至山東省  
見卷首葉不全書中文義亦有殘闕還之徐晤秋塘  
云是書是傳是樓舊物後歸顧歸王此乃得自王蓮  
涇家其殘闕者安知非卽亭林序所云亂後多有散  
佚者乎時書已歸蔣春臯余甚悔前此之不卽收也

壬子秋有五柳居書友攜是書來亟以數十金易之  
是書本數與蘇州府志藝文門載傳寫本三十四冊  
之說相合每本旁有小數一至三十四唯缺第十四  
本今之強分十五爲十四者定係後人僞作每本部  
葉標某省或某府字樣次序先後起自北直而蘇松  
常鎮江甯廬州安慶鳳寧徽淮徐揚河南山東山西  
陝西四川浙江江西湖廣福建廣東廣西雲南貴州  
交趾西南夷九邊四夷而止他省不分府南直獨分  
者亭林籍南直紀載加詳故也每本有備錄字案肇  
域志序有云本行不盡則注之旁旁又不盡則別爲

一集曰備錄則此書與肇域志相出入否則如利病書序所云有得卽錄共成四十餘帙一爲輿地之記一爲利病之書兩書本合而存之與至府志載是書爲一百卷而外間傳寫又分一百二十卷今觀原稿竝無卷次則分卷之說俱不足信且各省先後傳寫本不復如原稿次第卽所缺之第十四本或居十三本河南省之後而缺在河南或居十五本山東省之前而所缺在山東皆不得而知之也今十五本從新店淺云云起決非完書傳寫本山東省有起處數葉河南省亦于起處多兩葉余爲錄入其本數已分三

十四爲六十有原稿部葉別之仍可弗亂

南宋館閣錄十卷續錄十卷

寫本

宋陳騭撰此據四庫本寫者字頗圓潤

元秘書監志十一卷

寫本

元承務郎秘書監著作郎王士點承事郎秘書監著作佐郎商企翁編次此寫甚工半葉九行行十六字蓋據元本過錄

太常因革禮一百卷

寫本

宋治平二年歐陽修等撰進四庫全書佚收道光間阮文達得舊鈔本乃以進呈中間尚缺卷五十一

至六十七此依錢塘羅以智本過錄有以智跋云太常因革禮一百卷 四庫全書未著錄讀書後志收入經類題姚闢蘇洵撰按洵傳以霸州文安縣主簿與陳州項城令姚闢同編纂書方成奏未報而洵卒闢字子張金壇人少從胡安定學皇祐元年進士後官通州通判時爲太常博士嘉祐間歐陽修以禮閣新編太常新禮多遺略二書之外存于簡牘者日以殘脫奏請編纂又從祕閣校理張洄奏請六年七月己丑命闢洵專領其局修爲參政又命之提舉治平二年九月辛酉書成修與禮官李柬之呂公著宋敏

求周孟陽呂夏卿李育陳繹及闕洵等上之得賜名  
其書卷首題歐陽修等奉勅編故宋史藝文志但著  
修名紹興元年復上于劉倣詔付太常今傳鈔本僅  
存八十三卷多訛脫處五十一至六十七凡十七卷  
全闕百卷中總例二十八卷目二十有九吉禮二十  
三卷目三十有八嘉禮九卷目十有七軍禮三卷目  
六凶禮三卷目二十有五慶禮一卷目九新禮二十  
一卷目三十有六廟議十二卷目二十有五當日李  
清臣云繁簡失中訛缺不補有宋一代之禮書今鮮  
存者無可取證矣考開寶通禮等下逮臣庶是書惟

輿服及羣臣之制餘悉詳朝廟儀法而視學養老賜  
酺諸典禮皆不載祥符元年封禪禮后土不載玉冊  
玉牒文建隆元年上帝后謚號亦不載冊文后妃下  
輿服畧輿而詳服指南記禮黃鉞車志輿服與鹵簿  
相複信有如清臣之所譏者然以宋史志考之如皇  
祐二年大享明堂儀法通禮與明堂記互異史志依  
明堂記脫每方山林川澤蜃樽各二之文汾陰記加  
上五嶽帝號在祥符四年史志但書五月乙未而脫  
書年禮閣新編董溫其奏霍山之祭在祥符元年王  
欽若奏先蠶之祀在景德三年史志並脫書年國朝

會要和峴蜡臘之議在建隆四年史志在二年通禮  
王欽若天帝權龜之奉在景德二年史志在三年太  
常新禮加封四瀆在康定二年史志在元年會要皇  
后之服三等一曰褱衣二曰鞠衣三曰翟衣史志后  
妃之服一曰褱衣二曰朱衣三曰禮衣四曰鞠衣其  
文互異會要祥符二年進封文宣王廟十哲爲公六  
十二弟子爲侯其封湮城侯者爲秦祖史志脫載所  
封爵號又誤書封侯者七十二弟子文獻通考不誤  
而誤作祥符元年鄆城侯誤屬之秦商是書僅存尚  
足以補正史志耳若劉銑纂續因革禮葛勝仲續增



三百卷此二書恐不可復得矣道光辛丑初秋錢塘羅以智跋

宋政和五禮精義注十卷

舊鈔本

題宋韋彤撰進政和三年自序覈其書乃取三禮及他經傳舊文並注類晉時附陳氏禮書之說除軍制數條偶及漢唐史事皆經義也自序直鈔歐陽永叔上太常因革禮表文翦弃首尾并與本書及書題不合攷唐有太常博士韋彤著五禮精義十卷見崇文總目謂其首載唐禮參引古義申釋其文則此書亦非彤書是此舊帙不知何人類鈔而得者妄取唐人

書名與人屬之而更其時代真不可解也

鄭堂讀書日記

稿本

國朝烏程周中孚撰蓋嘉道間人讀一書必爲解題一篇條其得失議論頗能持平亦好學深思之士也凡三十四冊約存七十卷經部編十四卷諸經皆畧具唯缺易及小學雅故字書史部二十二卷子部三十三卷尚無大缺逸集部則僅本朝二卷計亡逸當十之二三不知更有副本否亂後益無從訪求矣

阮文達訂詁經精舍文集錄中孚文幾十首孫淵如次詁經精舍題名碑列中孚於講學之士劉履芬案馮登府周鄭堂明經傳字信之嘉慶辛酉舉拔萃科癸酉鄉試副榜所著有讀書記金石識小錄孝經

集解逸周書補注詞苑叢話鄭堂文錄詩錄題跋札記四庫存目增錄亭林年譜等書均未刻

舊館壇碑攷

稿本

此跋拾補

今金石家言前五代碑刻唯蕭梁一代略能指數餘蓋罕間戊辰秋于金陵蒐獲在孫伯淵氏訪碑錄外更七八事亦是梁物擬彙爲梁石記以傳之其石無存而孤搨在世有重刻若舊館壇者亦從編入已據顧湘舟刻翁叔均雙鈎本鈔儲卷中尋來吳門度歲識叔均之子次孺謂其先公于此碑用功最深據潘稼堂檢討舊藏翦表本得其行列高廣尺寸備撫宋至今言是碑者四十餘家均以論說爲舊館壇碑攷

一卷其雙鈎最後本又有李方赤邗上一刻尤矜慎  
因假觀得校正顧刻筆異若干字竝錄其攷一通藏  
影山書元本後歸之次孺講訂金石有家法他日當  
精書善刻若汪退谷鶴銘攷卷以惠海內好古之士  
亦善述之一端也同治己巳歲二月旣望獨山莫友  
芝

太白陰經

孫淵如手校本

寶山蔣劒人敦復所藏乙丑閏五月朔日在上海借  
觀校今行叢書刻本可補正者甚多

校正太白陰經序 唐李筌太白陰經八卷舊存篋

中首闕天無陰陽地無險阻二篇又無諸營陳圖文字亦多脫落頃以明茅元儀所列武備志中引李筌書校補又檢通典太平御覽互加勘定第八卷雜占疑卽宋藝文志所稱占五行星度吉凶訣一卷但中興書目及鄭樵藝文略俱稱十卷唐宋志同此則合雜占止八卷或後人合併之似無闕佚矣李筌官荆南節度副使其名姓官位僅見集仙傳及神仙感遇傳世所傳陰符經或言筌得之驪山老母神仙感遇傳亦謂筌入山訪道不知所終是其人生平好怪故無政迹見於正史此書有祭毗沙門天王文亦是唐

時陋習筌所增入然其書議論純正鑒人相馬攻守之具古法猶存東都事略燕達傳達采諸葛亮李靖意成五陳法授之以教戰士卽此諸陳法也後附藥方占訣皆非筌所能臆撰者實勝于陰符經故與杜佑所引文往往符合兵家各書亡佚甚多周禮注所引孫子萃車之陳傳注所引太公陰符今皆不可得此卽有用之學刊以俟後人補訂焉嘉慶五年正月二十一日孫星衍序于呂蒙城舟次

素問六氣玄珠密語十六卷

舊鈔本

書中自題曰啟玄子述卽唐時注素問之王冰也宋

史藝文志載王冰素問六脈玄珠密語一卷當卽此書而氣譌脈目一卷亦有誤道藏目錄及焦竑經籍志載此書竝云十七卷此鈔當闕一卷也其書專論五運六氣因六十甲子直歲反復言之蓋以天時運轉明醫法

宋寶祐四年會天歷一卷

據宋本過錄

寶山蔣敦復所藏卷首行題云大宋寶祐四年丙辰歲會天萬年具注歷其歲德刑等及九宮及月九宮德刑等日吉凶星宜忌建除納音直宿七十二候日出入晝夜時刻所注與今時憲同又每日必書人神

所在于細注下惟按節載卦氣如立春坎六四雨水  
坎九五及二月大夫隨卿晉公解之類爲今所無末  
載算造官五人結銜云寶章正統同知算造兼主管  
文德殿鐘鼓院判執禮靈臺郎充同知算造揚旂靈  
臺郎兼主管測驗渾儀刻漏所相師堯撫授保章正  
充同知算造譚玉靈臺郎判太史局批點歷書鄧宗  
文後有朱彝尊錢大昕嘉慶八年李銳十九年沈欽裴  
二十年蔡復午二十五年陳杰金望欣並道光二十七年  
六月人跋敦復收此書又自爲跋同治四年蔡蘭甫云京房  
卦氣郎顗父子得其學最精乾象全用此法大衍推



六日七分取四正卦以定二十四氣七十二候宋時  
蓋猶仍之五百年來卦氣久置不用而今憲書尚總  
列六候于每月之前此特李氏月令之僅存者爾定  
朔之說始于劉焯李淳風始用之經朔兩大無兩小  
三大兩小皆定朔也會天書四五月皆小九十一  
月皆大是用定朔也晝夜分一在春分前五日一在  
秋分前一日長短至皆在夏至冬至前十七日是不  
但二十三氣竝冬至亦不依定氣矣陳靜菴云其平  
氣定朔七十二候六十卦氣及減沒等事蓋悉仍其  
本朝之舊唯其晝六十刻夜四十刻在夏至前十六

日晝六十刻夜四十刻在冬至前十七日則不可解  
金嶠谷云此所注晝極長六十刻前距五十九刻十  
五日後距五十九刻三十四日極短四十刻前距四  
十一刻十四日後距四十刻三十四日太陽有些前後不  
齊行度乎蓋鈔胥之誤蔣劔人云李四香謂朱跋歲在  
丙辰元日立春百年罕遇蓋竹垞不明推步誤信田  
家諺耳余按史家言顓頊高陽氏作歷以丙辰孟春  
正月朔旦立春五星會於天歷營室立元此宋寶祐  
四年會天歷亦歲在丙辰正月朔旦立春歷名會天  
正取此也

乾象通鑑一百卷

寫本

孫氏祠堂舊藏

宋免解進士李季奉旨撰進建炎二年高宗賜序多引古占書蓋開元占經之亞也此本孫氏鈔藏于忠愍侯祠堂後歸上海郁松年道光乙巳蕉林逸史楊振藩爲檢史志細校以朱筆識增損其旁及上下端將刊行未果唐宋人引書取大意不失易舊文太多亦非也今歸豐順丁氏同治丁卯仲冬獲觀

此書次序體例按之玉海所載景祐乾象新書御製序大概相同乾象新書爲楊維德等所撰李季蓋增損以爲己書今乾象新書久亡賴此以存歷代占驗

之學宋時詔太史局每月具天文風雲氣候日月交

蝕等事實封報祕書省

玉海紹興三年詔

元明不聞其事此

書正備史局檢災祥具奏而作也

玉海紹興乾象

通鑑條載紹興元年三月十八日詔乾象通鑑與舊

書參用先是御前降乾象通鑑一百卷付太史局命

依經改正譌舛

繫年錄初河間府進士李季集天

文諸書號乾象通鑑建炎四年六月癸酉命婺州給

札上之紹興元年三月甲寅詔與舊書參用自天文

官吳師彥等頗摘其譌謬

二年七月壬寅改置翰林天文府

乾象通鑑雖以紹興二年置翰林天文府其成書在

北宋時故多見古書如黃帝甘石巫咸諸占皆具於是可補開元占經之漏此書惟見玉海其目載讀書敏求記各家書目不載近始得自吳門以舊鈔本歸家仲馮翼錄存此本天文占驗與算法爲兩家之學近時誤合之幾欲廢觀象之說存之以俟知者五松居士記

按陸游老學菴筆記有前宣州通判李季善奏章爲秦會之設醮未知卽其人否嘉慶十年九月十四日孫星衍記于濟甯南池舟次

李季進乾象通鑑疏 臣季言天垂象以示吉凶聖

人觀天文以察時變其來尙矣雖示現不常所遇有數然有吉可致其凶可禳修德修刑經史所載有已試之驗歷代宗之設官分職厥有攸司秦漢之後散于亂罹書旣不備法亦罕傳閔有異人研書奧學前知禍福自爲避就世旣禁而不習書亦祕而不示行於司天者止在繩墨之中而不能推其妙藏于冊府者雖隱深微之旨而未嘗見于習學不全法不盡將訪吉凶禍福是猶索塗于瞽而問樂于瞽或幸得之一二而止耳臣書生也早遇異人密傳奧旨研精窮思二十餘年方禁網嚴切不敢示人而天象時變臣

已逆知於十五年前矣嘗以微言咨於故丞相李邦彥前北帥王安中初不以爲然中略推其驗後大信之而事已不及矣臣謂此術微妙人不能知知於已然事實無濟於是據經籍諸家之善考古備已驗之變復以景祐新書海上秘法參列而次第之著爲成書凡一百卷目之曰乾象通鑑開帙對目而天之所示時之所變無一不在將不勞推測而吉凶禍福之兆昭然可覩然後修德于己禳變于天可以保世祚安邦家守太平實有補于聖朝臣是以不遠千里冒犬豕鋒鏑之死前赴行在而獻之畎畝之中適際陞

下龍飛恭默思治復令推之史冊將鑒往以知來於  
萬機之餘特賜睿覽凡見上象宜審閱之以圖修禳  
之方避就之地臣老歸山林雖屏跡不出將復見太  
平之日矣不勝幸甚建炎元年六月臣季昧死謹進  
高宗御製序 夫鑑者鑒也不知今者鑒于古昧於  
古者鑒于今朕自藩邸龍潛卽遭播越泊于濟州舉  
兵南下所有內府圖書半遭燬棄皇考收藏苗訓馬  
韶較錄諸天文祕笈皆無可紀星辰律度違錯良多  
非所以敬天而勤民也河閔府進士李季朕往在京  
邸卽識其人迨乎南都建國之初不遠千里抱其所



箸之書來獻應天行在朕試以推驗其言微中有裨  
事機夫天文之學往者曾有私習之禁朕以爲私習  
者特圖讖耳夫圖讖之術乃公孫卿五利之流以之  
愚惑人主故國有顯禁至天文災變其事具載史乘  
其書爲古今帝王之鑒又安可得而禁乎朕惟天象  
昭垂夙夜滋懼惟恐弗克修省以承上帝明威又安  
敢崇虛文以塞災變特命李季將所集古人占驗諸  
書推諸史冊以實其事如楊維德所進乾象新書之  
例萬機之暇躬親垂覽雖未能感召休和亦可以因  
變知戒殷鑒不遠後事之師特爲序之以垂奕禩建

炎二年歲次戊申八月序

此序載歷代帝王文集

古今集論字學新書七卷

舊鈔本

元武夷劉惟志編集

四庫存目有惟志字學新書

摘鈔一卷而七卷之本末著於錄亦元人書待傳之

一也

此冊尾有此書摘鈔目錄後附正德癸酉豐順衛州知府通海喬瑛刊序殆是序摘本日

丁禹生氏所收

識遺十卷

舊寫本

宋羅璧子蒼撰

東坡先生物類相感志十八卷

寫本

陳鱣依知不足齋藏明嘉靖時姚咨鈔本過錄舊題

兩府僧統法戒都監選練明義宗文大師贊甯編次  
四庫以其題東坡先生爲僞託僅于子部雜編中  
存其目鱣則謂贊甯宋初人在蘇氏前安知不號東  
坡其撰此書疏證詳明不似僞作爲跋詳之今其本  
歸豐順丁氏十八卷末跋云嘉靖己亥秋假之石東  
居士至庚子夏五月六日始得命館僮順昌摹之秋  
八月上旬方完惜乎譌字太多安能善本爲之一校  
也茶夢道人姚咨 釋贊甯物類相感志十八卷明  
嘉靖時句吳姚舜咨從友人借得傳錄者眉公秘笈  
所刻止半部此乃足本也攷晁昭德讀書後志作十

卷文獻通考同則此十八卷殆後人所分歟後志稱  
贊甯吳人以博物稱于世柳如京徐騎省與之遊或  
就質疑事楊文公歐陽文忠公亦皆知其名又王禹  
偁譔通慧大師文集序云文穆王時大師聲望日隆  
文學益茂時錢氏公族與大師以文義切磋浙中士  
大夫以詩什倡和云云又按十國春秋贊甯本姓高  
氏其先渤海人隋末徙居德清縣寶正中捨身杭州  
靈隱寺爲僧已而入天台山受具足戒習四分律通  
南山著述毘尼時人謂之律虎遂署監壇又爲西浙  
僧統太平興國三年忠懿王入宋贊甯奉舍利眞身

塔以朝太宗間其名召對滋福殿賜紫方袍尋賜號  
曰通慧纂高僧傳三十卷內典集一百五十卷外學  
集四十九卷聽歸杭州舊寺咸平元年充右街僧錄  
年八十餘卒諡曰圖明大師葬龍井贊甯又著通論  
有駁董仲舒難王充斥顏師古證蔡邕非史通等說  
及筭譜物類相感志諸書按贊甯所著今惟高僧傳  
筭譜及物類相感志尙存然物類相感志世人多以  
爲僞一則流俗本不全疑爲後人摭拾一則有東坡  
二字疑爲後人妄託細玩全書疏證詳明有條不紊  
似非僞書其東坡之字或坊刻所加以博流通且安

知非贊甯亦號東坡平其目錄結銜稱兩府僧統當  
是作于吳越國時未入宋以前贊甯爲吾浙名僧又  
出勃海高氏向藏是書係祕笈本每病其不全今從  
鮑氏知不足齋影摹姚氏茶夢菴舊本裝潢成冊寒  
牕展閱眼目爲之一新因書原委于後嘉慶十五年  
十一月望日海甯陳鱣記

朝埜僉載十卷

據宋本寫

唐張鷟撰 四庫著錄六卷此乃十卷未審其同異  
半葉九行行十八字目首有笠澤曹炎之印彬侯三

印

經眼錄卷三

三

る廿七

醉翁談錄八卷

鈔本

宋從政郎新衡州錄事參軍金盈之撰 阮文達公  
撫浙時進呈遺書金錄事醉翁談錄是其一種然外  
集提要所述十五卷相傳文達裁去後三卷蓋如直  
齋書錄斥唐人教坊記猥褻之意今今欽所錄固不  
廢也已巳仲春江山劉泖生氏以手錄八卷相示漫  
識

靜齋至正直記四卷

舊寫本

鮑氏藏

元闕里外史行素居士著明平陵史繼裴相之父校  
知不足齋鮑以文藏書

席上輔談二卷

舊寫本

元俞珍玉吾著鈔字近趙書

桂苑筆耕集二十卷

寫本

唐高麗崔致遠撰致遠爲高駢淮南從事見唐志是集唐宋志皆著錄宋後遂逸不傳集中討黃巢一檄最爲傑出他亦淵雅可觀卷端題淮南入本國兼送詔書等使前都統巡官承務郎侍御史內供奉賜紫金魚袋臣崔致遠進所著雜詩賦及表奏集二十八卷則其旣歸國所編上據其奏狀則年十二入中國又六年取進士居中山有詩賦等三卷調溧水尉有



中山覆簣集五卷從事高駢軍幕有桂苑集二十卷  
末署中和六年攷中和止四年蓋其歸國後尙未間  
五年三月已改元光啟也其人自唐宋志外唯張敦  
頤六朝事蹟述其乾符中尉溧水爲詩弔雙女墳事  
迄今道光以前皆未有言及者故全唐詩文竝未收  
采旣乃有傳高麗活字本入中國者此本蓋依以過  
錄而失鈔洪秩周徐有槩二序近乃從別本得之其  
印行者有槩傳本者秩周也有舉稱其字海夫號孤  
雲仕幕僚後中和四年充信國使東歸仍仕本國翰  
林學士兵部侍郎武成太守且盛推爲彼國人文鼻

祖此集在其國亦罕見今雖有番禺刊行此帙固自昔所珍祕也同治丁卯冬邵亭晤交

進狀 右臣自年十二離家西泛當乘桴之際父誠之曰十年不第進士則勿謂吾兒吾亦不謂有兒往矣勤哉無墮乃力臣佩服嚴訓不敢弭忘懸刺無遑冀偕養志實得人百之已千之觀光六年金名榜尾此時諷詠情性寓物名篇曰賦曰詩幾溢箱篋但以童子篆刻壯夫所慙及忝得魚皆爲棄物尋以浪跡東都筆作飯囊遂有賦五首詩一百首雜詩賦三十首共成三篇爾後調授宣州溧水縣尉祿厚官閑

飽食終日仕優則學免擲寸陰公私所爲有集五卷  
益勵爲山之志爰標覆簣之名地號中山遂冠其首  
及罷微秩從職淮南蒙高侍中專委筆硯軍書幅至  
竭力抵當四年用心萬有餘首然淘之汰之十無一  
二敢比披沙見寶粗勝毀瓦畫墁遂勒成桂苑集二  
十卷以適當亂離寓食戎幕所謂饘於是粥於是輒  
以筆耕爲目仍以王韶之語前事可憑雖則傴僂言  
歸有慙鳬雀旣墾旣耨用破情田自惜微勞冀達聖  
鑒昔詩賦表狀等集二十八卷隨狀奉進謹進中和  
六年正月日前都統巡官承務郎侍御史內供奉賜

紫金魚袋臣崔致遠狀奏

鉅鹿東觀集十卷

寫本

宋魏埜仲先撰

河南先生文集二十七卷

寫本

宋尹洙撰有簽校可取

蘇學士文集

校本

宋蘇舜欽撰以舊鈔本校宋犖刻本之失

淳南遺老集四十五卷續附一卷

寫本

金王若虛撰文珍樓鈔藏之本寫頗工

滋溪文稿三十卷

寫本

元蘇天爵伯修撰

梧溪集七卷

寫本

元王逢撰行書鈔密行尚可

極玄集

唐姚合纂汲古閣舊鈔本

金石三例

雅雨本有評甚佳目錄首葉有華亭嘯園沈氏圖書  
沈慈之印二印

宋元舊本書經眼錄卷三終

孫小農校字